



August 2025

Ukioq atuarfiusumut 2025/26-mut tikilluaritsi!

Kingumut ukiaq takkuteqqajaalerpoq. Aasaanerani sulinngiffeqarnerup nalaani Meeqqat atuarfii nipaallisimareerlutik maanna qiimmaallannartumik inuaqerpalaarfioqqilerput.

Ilinniartitsisut sulisooreersut, ilinniartitsisut naammasserlaat sulileqqammissut, atuartitsisut pisortallu tamassi atualernissinni pilluaritsi. Neriuppunga aallartilluartusi aammalu qanortoq ukioq atuarfiusoq pitsaasumik angusaqarfioqqikkili suleqatigiinnerlu nuannersuugili.

Eqqaamallugu unamminartunik nalaataqarneq pikkunartarpoq, nalaatalli ilinniutaasarput sulilu pitsaanerulersitsinissatsinnut aqutissiuussisarlutik.

IMAK-imit qilanaarisimasarput Namminersorlutik Oqartussat/Kommunit IMAK-illu akornanni isumaqatigiinniarnert aallartippat. IMAK-imit nalunngilluarpaput sumi inissisimalluta aammalu ilaasortatsinnut toqqissisimanarnerusussamik angusaqarusulluta.

Naalakkersuisut saqqummiuppaat nunatsinni aningaasaqarnerput annertuumik inissisimanerliortoq unammilligassaqaqisorlu. Taamaakkaluartorli nunatsinni ilinniartitsisutut sulisugut suliat annertussusaa ulluinnarnilu sullivimmi avatangiisitigut inissisimamera eqqarsaatigalugit paasineqarluta akuersaarneqarnissarput minnerunngitsumillu ataqqineqarnissarput neriuutigarpup.

Ukioq kingulleq atualernermi IMAK-imit oqariartuutigaarpup suleqatigiinnerup pitsaasup ineritittagai kivittagaalu sullitanut suleqatigiinnullu tamanut pingaaruteqassusia toqqissisimanartuusarneralu.

Aasaanerani atuannngiffeqarnissap tungaanut ilaasortatsinnut attaveqaatit apersuilluni paasiniaanermut atorutut atorlugit apersuilaarnikuuvugut. Tassani ilaatigut uippakajaarneq (Stress) qanoq sullivimmi annertutiginersoq ilisimaarineraat paasiniaarlugu.

Ilimageriikkatsitut oqariartuutigineqarpoq ilaasortatta akornanni uippakajaarneq annertusigaluttuinnartumik nalaanneqartalersoq. Taassuma takutippaa sumiiffinni sulisitsisut sullivimmi atukkat eqqummaariffisariaqaraat aammalu piffissaagallartillugu iliuuseqartarnissaat pingaaruteqarlunnartoq. Pisariaqarlunnarpormi sulisut sulisuuginnarnissaannut aqutissiuunneranni suliffigissaaneq aalluttuarnissaa.

Sulisut akornanni suleqatigiilluarnissaq aammalu avitseqatigiissinnaaneq ikorfartoqatigiissinnaanerlu sulii pikkoriffiginerusinnaavagut.

IMAK-imit 2025-p aallartinneraniit maannamut sinerissami ilaasortatsinnik atugarliuutaasut annerit ilagaat suliffiit illutamikkut aserfallassimalluinnarneri aammalu sullivii silaannaluppallaarneri.

Nunatsinni politikkerit sulissutigisassaasa sallsarisariaqarpaat “assaate kissalaartut” ukiut amerlasuut peqqillutik sulinissaasa qulakkeerinneqataaffiginissaat. Tamanna pisinnaavoq sullivimmi avatangiisit pitsaasuunissaannut peqqinnartuunissaannullu iliuuseqarnikkut piviusunngortitsineq.

Ilaasortagut sumi ittusi tamassi ukioq atuarfiusoq 2025/26-mi sulilluarisi paaralusi.

IMAK-imi siulittaasoq

Elna Heilmann